



Geschichte der geistlichen Stiftungen, der adlichen Familien, so wie der Städte und Burgen der Mark Brandenburg

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1856

IV. Der Erzbischof Burchard entscheidet die Uneinigkeit Heidenreichs des Jüngern von Burg mit der Stadt Burg über den Wald Sterth zu Gunsten der Stadt, am 1. Januar 1233.

Nutzungsbedingungen

[urn:nbn:de:hbz:466:1-54716](https://nbn-resolving.org/urn:nbn:de:hbz:466:1-54716)

tinendum, ut eam suis commodis adaptent, prout sibi et heredibus suis viderint expedire: ita tamen quod de quolibet panno, qui in ipsa domo vendatur, dimidium denarium prius nobis et successoribus nostris perfolvant. Recognoscimus etiam ipsis, quod nullus in ea cum eisdem Burgenlibus iudicandi aliquam habeat potestatem, preter nuntium nostrum ad hoc specialiter deputatum. Super hiis presentem paginam conscribi fecimus, testium subscriptione et sigilli nostri munimine roboratam. Testes huius rei sunt: Dominus Ghernandus, Brandenburgensis Episcopus et Otto prepositus, Fridericus Decanus, Wernerus Prepositus de Hunoldesborg, Henricus prepositus de Mildense, Ludovicus de Lauenburg, Ludovicus de Grabow, Burchardus Burggrafius, Rudolfus de Gatersleue, Henricus de Loftow, Henricus et Hartmodus milites de Borch, Johannes de Jerichowe, Johannes et Geuerhardus fratres de plothe, Bertoldus, Hiddo, Ciriacus, Heidenricus, Beritramus, Bruno Scabini Magdeburgenses et alii quam plures.

Datum Magdeburgk, III^o. nonas Decembris, anno Dominicae Incarnationis M^o. CC^o. XXIII^o. Pontificatus vero nostri anno XVIII^o.

Nach dem Fragmente eines alten Copialbuches der Stadt Burg Nr. 157. und einer andern alten Copie.

IV. Der Erzbischof Burchard entscheidet die Uneinigkeit Heidenreichs des Jüngern von Burg mit der Stadt Burg über den Wald Sterth zu Gunsten der Stadt, am 1. Januar 1233.

Burchardus, dei gratia sancte Magdeburgensis ecclesie Electus. Vniuersis in christo fidelibus presentem paginam inspecturis. Cum uniuersorum, que coram principe statuuntur, tam a posteris quam ab eis in quorum aguntur facie notitia sit habenda, tum ne questiones abolite reuiuiscant, tum ut principis constitutio debitam semper obtineat firmitatem, noscitur docuisse rationem, ut acta scripturis authenticis commendentur. Proinde notum esse uolumus uniuersis presentem paginam inspecturis, quod cum olim inter fidelem nostrum Heidenricum iuniorum de Borch ex una et ex altera parte inter Ciues nostros de Borch super quadam silua, que Sterth uulgariter appellatur questio uerteretur, Heidenrico proponente quod iure feudali deuoluta esset ad ipsum et respondentibus ciuibus memoratis, quod communis ipsorum eadem silua per centum annos et amplius extitisset, nos ipsorum propositionibus intellectis de consensu partium et fidelium ac prudentum nostrorum consilio, causam ipsam sopiendam ipsosque concordandos duximus in hunc modum. Statuimus itaque quod Heidenricus renuntiaret in nostris manibus omni iuri et actioni, quam habebat in ipsa silua et predicti Ciues ei traderent certam pecunie quantitatem et predictam siluam commodis suis et usibus in perpetuum applicarent. Renuntiauit igitur Heidenricus sicut premisimus actioni et iuri suo et Ciues prefatam sibi pecuniam promiserunt et statuto termino persoluerunt, nos quoque assignauimus ipsam siluam eis cum suis pertinentiis uniuersis sub anathematis interminatione districtius inhibentes, ne quisquam eos in eadem silua presumat indebite molestare. Testes huius rei sunt Ropertus prepositus de Hunoldesborch, Conradus capellanus noster, laici uero Rodolfus et Johannes fratres de Jericho, Rodolfus et Henricus fratres de Gatersleue, Gerardus wederde, Curie nostre Dapifer, Heidenricus senior de

Borch et alij quam plures. Ut autem huius ordinationis nostre constitutio rata permaneat et eternis temporibus inconvulsa, ipsam presenti privilegio bulle nostre munimine roborato duximus confirmandam. Acta sunt hec Anno Incarnationis dominice Millefimo Ducentesimo XXX^o. III^o., Datum per manum Richardi Notarii nostri, Kalendas Januarij, Electionis nostre Anno primo.

Nach dem Originale des Stadtarchives in Burg Nr. 101.

V. Erzbischof Rupert von Magdeburg verkauft der Stadt Burg die Zoll- und Handelsfreiheit in Magdeburg, am 7. Juli 1262.

In nomine domini Amen. Ropertus dei gratia sancte Magdeburgensis ecclesie archiepiscopus, omnibus in perpetuum. Si recordatione quid dignum inter mortales agitur, ne per oblivionem id pereat, est necesse ut scripture testimonio confirmetur. Proponentes itaque de rite gestis notitiam futuris facere sempiternam, Recognoscimus tenore presentium protestantes, quod nos accedente communi consensu nostrj capitulj ad preparandum nostris burgenlibus de Borch, quos favore benigno prosequimur, commodum et quietem, theloneum remittimus, ad quod erant obligati Magdeburg et grauati, tam pro mercibus uenditis aliquibus quam pro emptis, profitentes deinceps a talj ipsos esse liberos perpetuo et exemptos, excepto censu teatj, husmede dicto vulgariter, qui est de panno dimidius denarius unoquoque. Verum ut exinde nostra nullum patiatum dispendium ecclesia siue dampnum, Burgenfes superius memorati ducentas marcas magdeburgensis ponderis et monete nobis et nostre ecclesie refuderunt, quas in tales usus conuertimus manifestos. Centum enim marcas domino Alberto de suanebeke soluimus redimentes Oysvelt castrum cum opido ab eodem, Reliquas uero Centum expendimus ad curiam regis indictam apud Herbipolim nos una cum nostris hominibus profecturj. Ne autem super donatione libertatis hujusmodi aliqua dubietatis suspicio possit orij sepe dictis ciuibus in futuro, conscribj fecimus presentem litteram nostri nostrique capituli sigillorum roboribus communitam. Testes ad hoc rogati sunt qui et presentes aderant Richardus de Tserwift pincerna curie magdeburgensis, Rudolphus de vrekeleue, Johannes de hardesdorp, Henricus aduocatus dictus de Niendorp et ceteri quam plures. Datum magdeborch, Anno domini M. CCLXII, Nonas iulij, Pontificatus nostri anno secundo.

Nach dem Originale des Stadtarchives zu Burg Nr. 29.